

გადაწყვეტილება

N გ-20-20/619
13/08/2020

619-გ-20-1-4-202008131347



შპს „ახალი ქსელების“ მიერ წარმოდგენილი ინფორმაციის კომერციულ საიდუმლოებად ცნობის შესახებ

საქართველოს კომუნიკაციების კომისია (შემდგომში “კომისია”) აღნიშნავს, რომ 2020 წლის 3 და 5 აგვისტოს კომისიას განცხადებებით (კომისიაში რეგისტრაციის №20-6/3934 და №20-6/3988) მიმართა შპს „ახალმა ქსელებმა“ კომპანიის მიერ კომისიაში წარმოდგენილი ინფორმაციის, კერძოდ რიგი სამაუწყებლო არხების საქართველოს ტერიტორიაზე მართლზომიერი რეტრანსლირების უფლებამოსილების დამადასტურებელი ხელშეკრულებების კომერციულ საიდუმლოებად ცნობის თაობაზე.

შპს „ახალმა ქსელებმა“ მოითხოვა წარმოდგენილი ხელშეკრულებების კომერციულ საიდუმლოებად ცნობა მხოლოდ იმ მუხლებისა და პუნქტების, სადაც მხარეები თანხმდებიან ფინანსურ პირობებზე.

კომისია აღნიშნავს, რომ საქართველოს ზოგადი ადმინისტრაციული კოდექსის 27² მუხლის პირველი ნაწილის, ასევე „საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-19 მუხლის მე-4 პუნქტის შესაბამისად, კომერციული საიდუმლოება ეს არის ინფორმაცია კომერციული ფასეულობის მქონე გეგმის, ფორმულის, პროცესის, საშუალების თაობაზე ან ნებისმიერი სხვა ინფორმაცია, რომელიც გამოიყენება საქონლის საწარმოებლად, მოსამზადებლად, გადასამუშავებლად ან მომსახურების გასაწევად, ან/და რომელიც წარმოადგენს სიახლეს ან ტექნიკური შემოქმედების მნიშვნელოვან შედეგს, აგრეთვე სხვა ინფორმაცია, რომლის გამჟღავნებამ შესაძლოა ზიანი მიაყენოს პირის კონკურენტუნარიანობას.

შპს „ახალი ქსელების“ მიერ 2020 წლის 3 და 5 აგვისტოს განცხადებებით (კომისიაში რეგისტრაციის №20-6/3934 და №20-6/3988) მოთხოვნილია შემდეგი ინფორმაციის კომერციულ საიდუმლოებად ცნობა:

- შპს „ახალ ქსელებსა“ და შპს „ეროვნული სატელევიზიო სამყაროს“ შორის გაფორმებულ 2020 წლის 01 ივნისის ხელშეკრულების დანართი #1-ის 1-ლი პუნქტი.
- შპს „ახალ ქსელებსა“ და შპს „სი-ენ-ეი ჯორჯიას“ შორის გაფორმებული 2020 წლის 01 ივნისის ხელშეკრულების დანართი #1-ის 1-ლი პუნქტი.

- შპს „ახალ ქსელებსა“ და „ნილტექს ჰოლდინგ ლიმიტედს“ შორის 2020 წლის 01 იანვრის ხელშეკრულების 2020 წლის 03 ივნისის დამატებითი შეთანხმების მე-2 პუნქტი.
- შპს „ახალ ქსელებსა“ და ა(ა)იპ საკაბელო ტელევიზიების კავშირს შორის 2020 წლის 22 მაისის დამატებითი შეთანხმების 1-ლი პუნქტი.
- შპს „ახალ ქსელებსა“ და შპს „აჭარასპორტს.ტვ“ შორის 2020 წლის 02 მარტს გაფორმებული ხელშეკრულების 5.1. პუნქტი.
- შპს „ახალ ქსელებსა“ და შპს „გრამას“ შორის 2020 წლის 01 მაისს გაფორმებული ხელშეკრულების დამატება #1-ის 1-ლი და მე-2 პუნქტები.

აუდიო-ვიზუალური მედია მომსახურებების რეგულირების დეპარტამენტმა შეისწავლა წარმოდგენილი განცხადებები, აგრეთვე წარმოდგენილი ხელშეკრულებები და მიიჩნია, რომ შპს „ახალი ქსელების“ მიერ კომისიაში წარმოდგენილი დოკუმენტაცია, შინაარსობრივად ნაწილობრივ შეიცავს კომერციული საიდუმლოების შემცველ ინფორმაციას, რადგან მის მიერ წარმოდგენილი დოკუმენტაცია შეიცავს პირობებს, რომელთა გამჟღავნებამ შეიძლება ზიანი მიაყენოს კომპანიის კონკურენტუნარიანობას.

ზემოაღნიშნულიდან გამომდინარე, კომისიას მიაჩნია, რომ შპს „ახალი ქსელების“ 2020 წლის 3 და 5 აგვისტოს განცხადებები (კომისიაში რეგისტრაციის №20-6/3934 და №20-6/3988) უნდა დაკმაყოფილდეს კერძოდ, კომპანიის მიერ წარმოდგენილი დოკუმენტაცია მათ მიერ მოთხოვნილ ნაწილში ცნობილ უნდა იქნას კომერციულ საიდუმლოებად, ვინაიდან, შპს „ახალი ქსელების“ მიერ კომისიაში წარმოდგენილი დოკუმენტაციის საჯაროდ დატოვებამ, შესაძლოა ზიანი მიაყენოს კომპანიის კონკურენტუნარიანობას.

კომისია დამატებით აღნიშნავს, რომ საქართველოს ზოგადი ადმინისტრაციული კოდექსის 31-ე მუხლის პირველი ნაწილის შესაბამისად, კანონით გათვალისწინებული შემთხვევების გარდა, პროფესიული და კომერციული ინფორმაცია გასაიდუმლოვდება უვადოდ. კომერციული საიდუმლოება ღიად უნდა გამოცხადდეს, თუ მას აღარ გააჩნია ის ღირებულება, რის გამოც ასეთად იქნა მიჩნეული, ხოლო ამავე მუხლის მე-2 ნაწილის შესაბამისად, გადაწყვეტილება საჯარო ინფორმაციის გასაიდუმლოების და მისი ვადის გაგრძელების შესახებ ადმინისტრაციულ ორგანოს შეაქვს შესაბამის რეესტრში.

ყოველივე ზემოაღნიშნულის გათვალისწინებით, საქართველოს ზოგადი ადმინისტრაციული კოდექსის 27² მუხლის, 31-ე მუხლის, „საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-19 მუხლის მე-4 პუნქტის და 32-ე მუხლის პირველი პუნქტის „დ“ ქვეპუნქტის შესაბამისად, კომისიამ, კენჭისყრის შედეგად, ერთხმად გადაწყვიტა:

1. დაკმაყოფილდეს შპს „ახალი ქსელების“ 2020 წლის 3 და 5 აგვისტოს განცხადებები (კომისიაში რეგისტრაციის №20-6/3934 და №20-6/3988) და კომერციულ საიდუმლოებად იქნას მიჩნეული შემდეგი ინფორმაცია:

- შპს „ახალ ქსელებსა“ და შპს „ეროვნული სატელევიზიო სამყაროს“ შორის გაფორმებულ 2020 წლის 01 ივნისის ხელშეკრულების დანართი #1-ის 1-ლი პუნქტი.
- შპს „ახალ ქსელებსა“ და შპს „სი-ენ-ეი ჯორჯიას“ შორის გაფორმებული 2020 წლის 01 ივნისის ხელშეკრულების დანართი #1-ის 1-ლი პუნქტი.
- შპს „ახალ ქსელებსა“ და „ნილტექს ჰოლდინგ ლიმიტედს“ შორის 2020 წლის 01 იანვრის ხელშეკრულების 2020 წლის 03 ივნისის დამატებითი შეთანხმების მე-2 პუნქტი.

- შპს „ახალ ქსელებსა“ და ა(ა)იპ საკაბელო ტელევიზიების კავშირს შორის 2020 წლის 22 მაისის დამატებითი შეთანხმების 1-ლი პუნქტი.
- შპს „ახალ ქსელებსა“ და შპს „აჭარასპორტს.ტვ“ შორის 2020 წლის 02 მარტს გაფორმებული ხელშეკრულების 5.1. პუნქტი.
- შპს „ახალ ქსელებსა“ და შპს „გრამას“ შორის 2020 წლის 01 მაისს გაფორმებული ხელშეკრულების დამატება #1-ის 1-ლი და მე-2 პუნქტები.

2. ინფორმაცია შპს „ახალი ქსელების“ კომერციულ საიდუმლოებად ჩაითვალოს შპს „ახალი ქსელების“ მიერ ინფორმაციის განსაიდუმლოების შესახებ კომისიისათვის მომართვამდე ან იქამდე, სანამ იგი არა დაკარგავს იმ ღირებულებას, რის გამოც ასეთად იქნა მიჩნეული;

3. დაევალოს კომისიის აპარატის ადმინისტრაციას (ო. ვოტ) აღნიშნული გადაწყვეტილების საქართველოს ზოგადი ადმინისტრაციული კოდექსის 31-ე მუხლის მე-2 ნაწილის შესაბამისად, სათანადო წესით შესაბამის რეესტრში შეტანა;

4. დაევალოს კომისიის აპარატის ადმინისტრაციას აღნიშნული გადაწყვეტილების შპს „ახალი ქსელებისთვის“ გაგზავნა (ნ.ჯავახიძე).

5. გადაწყვეტილება ძალაში შევიდეს მისი დამოწმებული ასლის შპს „ახალი ქსელებისთვის“ ჩაბარების დღიდან;

6. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დავით აღმაშენებლის ხეივანი მე-12 კილომეტრი, N6) 1 თვის ვადაში;

7. კონტროლი აღნიშნული გადაწყვეტილების შესრულებაზე დაევალოს კომისიის აპარატის ადმინისტრაციას (ო. ვოტ).

კომისიის თავმჯდომარე

კომისიის წევრი

კომისიის წევრი

კომისიის წევრი

კახი ბექაური

ვახტანგ აბაშიძე

ელისო ასანიძე

მერაბ ქათამაძე



კახი ბექაური



თავმჯდომარე

ელისო ასანიძე



წევრი

ვახტანგ აბაშიძე



წევრი

მერაბ კათამაძე



წევრი